

**MAHINUNGDANONG MGA PAMAHAYAG
ALANG SA 2021 MEMORIAL DAY CONFERENCE**

**Kinahanglan makaila ta sa kamatuoran ug bug-os
gyong alang sa kamatuoran, sa pagmintinar sa pagkabug-os
sa kamatuoran, ug sa pagpanghimatuod sa kamatuoran
sa daotang panahon karon.**

**Mohayag na ngani ang Espiritu sa kamatuoran,
ang Espiritu sa realidad, nganha sa espirituhanong
mga kamatuorang nasulat ug naa sa Biblia,
madawat nato ang kamatuoran, ang realidad;
matag buntag makontak nato ang buhing Pulong
diha sa nasulat nga Pulong ug mapatuhop sa atong pagkatawo
ang diosnong realidad, ang nahikay nga Tulo-usang Dios,
ingon nga giaplikar nga pulong.**

**Aron mahingpit ang diosnong pamatigayon,
kinahanglan maumolan ta sa diosnong kamatuoran
ug bug-os gyong alang sa paagi sa diosnong kamatuoran
ug sa pagpasanay sa diosnong kamatuoran.**

**Ang pahiuili sa Ginoo pagpahiuili man sa kahayag sa kamatuoran,
ug ang labing dinaliang gikinahanglan ning yutaa karon
mao ang kamatuoran ning panahona; nag-agad sa pagpakaylap
sa kamatuoran ang pagtubo sa iglesia,
busa mogugol gyod tang tanan og panahon
nga mokat-on sa kamatuoran ug mangalagad og Cristo sa uban
aron mosanay ug mokaylap ang iglesia.**

**Talamdan sa Mga Mensahe
alang sa Memorial Day Conference
Mayo 28-31, 2021**

**LINANGKOB NGA HISGOTANAN:
MAKAILA SA KAMATUORAN, BUG-OS GYONG ALANG SA
KAMATUORAN, UG MAGMANTALA SA KAMATUORAN
SA DAOTANG PANAHOON KARON**

Mensahe 1

**Makaila sa Kamatuoran, Bug-os gyong alang sa Kamatuoran
ug Magmintinar sa Pagkabug-os sa Kamatuoran,
ug Manghimatuod sa Kamatuoran sa Panahon Karon sa Kalibotan**

Basahong Kasulatan: Juan 18:37; Efe. 2:2; Rom. 12:2; 1 Juan 5:19-20

- I. Ang pahiuili sa Ginoo pagpahiuili man sa diosnong mga kamatuoran segun sa gipadayag sa Pulong sa Dios—2 Tim. 3:16:**
 - A. Ang kamatuoran mao ang Tulo-usang Dios ug ang Iyang pulong—Juan 1:1, 14-17; 14:6, 16-17; 15:26; 16:13; 17:17; 18:37.
 - B. Daghang kamatuoran diha sa Pulong ang nawala, nasaypan pagsabot, ug sayop nga giaplikar; busa, gikinahanglan ang pagpahiuili sa Ginoo—2 Tim. 2:15.
 - C. Naa sa pahiuili ang kinahabogang kamatuoran—ang kamatuoran nga kahingpit-an sa mga kamatuorang napahiuili sa nilabayng mga siglo—vv. 2, 15.
- II. Sa mga sinulat ni Juan ang Griyegong pulong alang sa *kamatuoran (aletheia)* nagpasabot sa tanang realidad sa diosnong pamatigayon nga maoy sulod sa diosnong pinadayag, nga gipasabot ug gipadayag sa balaang Pulong—Juan 17:17; 18:37:**
 - A. Ang kamatuoran mao ang Dios, nga kahayag ug gugma, nga nagpakatawo aron mahimong realidad sa diosnong mga butang nga atong mabatonan—1:1, 4, 14-17.
 - B. Ang kamatuoran mao si Cristo, nga mao ang Dios nga nagpakatawo ug maoy gipuy-an sa tanang kahupnganan sa Dios sa lawas gyod, nga realidad sa Dios ug tawo, sa tanang tipo, hulagway, ug landong sa Daang Tugon, ug sa tanang diosnon ug espirituhanong butang—Col. 2:9, 16-17; Juan 4:23-24.
 - C. Ang kamatuoran mao ang Espiritu, nga mao si Cristo nga nausab ang dagway, nga realidad ni Cristo ug sa diosnong pinadayag—14:16-17; 15:26; 16:13-15.
 - D. Ang kamatuoran mao ang Pulong sa Dios isip diosnong pinadayag, nga nagpadayag ug nagpasabot sa realidad sa Dios ug ni Cristo ug sa tanang diosnon ug espirituhanong butang—17:17.
 - E. Ang kamatuoran mao ang mga sulod sa pagtuo (tinuohan), nga mao ang undanong mga elemento sa atong gituohan, nga realidad sa hingpit nga ebanghelyo—Efe. 1:13.
 - F. Ang kamatuoran mao ang realidad kalabot sa Dios, sa uniberso, sa tawo, sa relasyon sa tawo ug sa Dios ug sa iyang isigkatawo, ug sa obligasyon sa tawo ngadto sa Dios, ingon sa gipadayag sa kabuhatan ug sa Kasulatan—Rom. 1:18-20; 2:2, 8, 20.
 - G. Ang kamatuoran mao ang pagkamatuod, pagkamatinud-anon, sinceridad, pagsulti sa tinuod, pagkakasaligan, ug pagkamatinumanon sa Dios ingon nga diosnong

maayong gawi ug sa tawo ingon nga tawhanong maayong gawi, ug ingon nga lugwa sa diosnong realidad—3:7; 15:8; 2 Cor. 11:10; 1 Juan 3:18.

- H. Nagpasabot ang kamatuoran sa mga butang nga tinuod, sa tinuod nga kahimtang sa mga hitabo (aktwal nga mga hitabo), realidad, pagkamatinuoron, nga bali sa bakak, limbong, pagtakoban, pagkamaot, ug sayop—Mar. 12:32; Juan 16:7; Rom. 1:25.

III. Bug-os gyod ang diosnong kamatuoran, ug bug-os gyod unta ta alang sa kamatuoran ug sa pagmintinar sa pagkabug-os sa diosnong kamatuoran—3 Juan 3-4, 8:

- A. Ang pagkabug-os gyod alang sa kamatuoran nagpasabot nga magpadaplin sa mga pagbati, dili magtagad sa personal nga mga relasyon, ug dili mobarog alang sa kaugalingon—Mat. 16:24-25; 1 Ped. 1:22:
1. Ang kamatuoran maoy bugtong-talagsaong sukdanan, ug modapig gyod ta sa kamatuoran ug mosupak sa atong kaugalingon; mamintinar lang ang pagkabug-os sa kamatuoran kon mahigawas na ta sa atong kaugalingon—Juan 8:32; 2 Juan 2; 3 Juan 3-4.
 2. Kon dili bug-os para nato ang kamatuoran, wala ta makaila sa Dios ug wala masayod sa Iyang pulong—2 Tes. 2:10; 1 Juan 5:20.
 3. Kon dili ta bug-os alang sa kamatuoran, isakripisyo nato ang kamatuoran sa Dios tungod sa atong kaugalingon o sa kaugalingon ba natong mga tinguha—Prov. 23:23.
 4. Pasidunggan gyod nato ang kamatuoran sa Dios, maglakaw sa dalan sa kamatuoran, ug bisan unsaon dili ipauyon-uyon ang kamatuoran—2 Ped. 2:2.
- B. Bug-os gyod unta ta alang sa objectibo ug subjectibong mga kamatuoran—Juan 8:32; 14:6:
1. Dunay objectibo ug subjectibong aspeto ang mga kamatuoran sa Biblia; alang sa subjectibong aspeto ang objectibong aspeto—Rom. 8:34, 10; Col. 3:1; 1:27.
 2. Alang sa subjectibong mga kamatuoran ang objectibong mga doktrina, ug alang sa pagpalugwa sa iglesia ang subjectibong mga kamatuoran—2 Juan 1-2, 4; 3 Juan 3-4, 7-9.
 3. Tinguha sa Ginoo nga ipahiuli ang subjectibong mga kamatuoran sa Balaang Kasulatan, ilabi na gyod ang subjectibong aspeto sa kamatuoran kalabot sa Tulo-usang Dios ug sa iglesia—Juan 1:14; 14:16-20; 1 Tim. 6:15-16; 2 Tim. 4:22; 3:15-16.
 4. Daghang mahinungdanon nga subjectibong kamatuoran ang nalubong, apan sa pahiuli sa Ginoo gibanhaw kining mga kamatuorana aron mahimong napahiuli, nabanhaw nga mga kamatuoran—Juan 17:17; 18:37.

IV. Manghimatuod ngani ta sa kamatuoran “sa panahon ning kalibotana,” mausa ta sa madaogong Cristo sa pagpakig-away batok ni Satanas, nga yawa, ang amahan sa mga bakak, “ang magbubuot ning kalibotana,” ang “dios ning panahona” nga “nagbuta sa mga hunahuna sa mga dili magtutuo”—Efe. 2:2; Juan 8:44; 12:31; 2 Cor. 4:4:

- A. Bakak ang kinaiya sa yawa ug nagdalag kamatayon ug kangitngit; diha sa kangitngit naay bakak, nga kaatbang sa kamatuoran—Juan 8:44:
1. “Wala mobarog [ang yawa] diha sa kamatuoran, kay wala may kamatuoran diha niya”—v. 44.
 2. Batok sa diosnong kahayag ang satanasnong kangitngit, ug batok sa diosnong kamatuoran ang satanasnong bakak—1 Juan 1:6.
 3. Maingon nga pagpadayag sa diosnong kahayag ang diosnong kamatuoran,

ingon man sab, pagpadayag sa satanasnong kangitngit ang satanasnong bakak—Juan 8:12, 44.

- B. Ang “dios ning panahona” mao si Satanas, ang manlilimbong, ang magbubuot ning panahona; gidominahan niya ang kalibotan karon ug nagtinguha nga simbahon sa tawo pinaagi sa pagbuta sa mga hunahuna, mga salabotan, sa mga dili magtutuo—2 Cor. 4:4:
1. Ang *gibutaan* sa 2 Corinto 4:4 nagpasabot nga gitaptapan ang pagpanabot sa tawo.
 2. Ang *mga hunahuna* ning versiculoha nagpasabot sa pagpanabot sa salabotan.
- C. “Naghigda ang tibuok kalibotan diha sa daotan”—1 Juan 5:19:
1. Ang tibuok satanasnong sistema sa kalibotan ug sa mga tawo sa kalibotan, sa nahulog nga kaliwat sa tawo, walay pagsupak nga naghigda diha sa nag-ilog ug nagmaniobrang kamot ni Satanas, sa daotan.
 2. Sa Griyego nagpasabot ang *sa daotan* nianang makadaot gyod nga pagkadaotan, nianang makaimpluwensya sa uban nga mahimong daotan; kining daotan mao si Satanas, ang yawa, nga gihigdaan sa tibuok kalibotan—v. 19.
 3. Gihukman kining daotang sistema, ang gingharian sa kangitngit, sa dihang gipalagpot ang magbubuot niini nga si Satanas sa pagkalansang sa Ginoo sa krus diha sa unod—Juan 12:31; 14:30; 16:11.
- D. Ang *ning kalibotana* sa Efeso 2:2 nagpasabot sa satanasnong sistema, nga hinimo sa daghang panahon:
1. Ang panahon usa ka bahin sa kalibotan, sa satanasnong sistema.
 2. Nagpasabot *ang panahon* sa Efeso 2:2 sa kasamtangan ug modernong hitsura sa sistema ni Satanas, nga gigamit niya sa pag-ilog ug pag-okupar sa mga tawo ug pagpalayo kanila sa Dios ug sa Iyang tuyo.
 3. *Ang daotang panahon karon* sa Galacia 1:4 nagpasabot sa relihiyosong kalibotan, sa relihiyosong dagan sa kalibotan.
- E. Kon buot tang manghimatuod sa kamatuoran karong panahona, mosugot gyod ta sa gisugo ni Pablo sa Roma 2:2: “Dili mo magpaumol uyon ning panahona, magpatransporma hinuon mo sa pagpabag-o sa inyong salabotan”:
1. Ang magpaumol, magpauyon, pagpakaanaa may pagpadayag nga wala maggikan sa sulod nato o magrepresentar ba sa pagkatawo nato sa sulod isip gipanganak pag-usab nga anak sa Dios—Juan 1:12-13.
 2. Dili gyod unta ta mapahiuyon sa kalibotan hangtod nga kitang gigahin na gikan sa kalibotan ngadto sa Dios mapareha nag dagway ning panahona.
 3. Magpabag-o gyod ta sa espiritu sa atong salabotan, pakaylapon ang nasagol nga espiritu nganha sa atong salabotan, sa ingon niana mahimong espiritu sa salabotan ug magbag-o sa atong hunahuna, pagbati, ug pagbuot tungod sa bag-ong elemento nga giumol sa atong pagkatawo sa sulod—Efe. 4:23; 1 Cor. 6:17; Rom. 12:2.
- F. “Busa magbarog mo, sa nabaksan na ninyo ang inyong hawak sa kamatuoran”: ang pagbakos sa kamatuoran pagpalig-on man sa tibuok natong pagkatawo—Efe. 6:14.
- G. Makapanghimatuod ta sa diosnong kamatuoran kay nasayod man ta sa kamatuoran sa pagkaanaa nato Niya nga tinuod—1 Juan 5:20:
1. Nianhi si Ginoong Jesus, nga Anak sa Dios, ug nihatag natog pagpanabot aron makaila ta sa tinuod nga Dios—Juan 1:14, 18; 1 Juan 5:20.
 2. Kaduha naghigot ang 1 Juan 5:20 “Niya nga maoy tinuod,” Kaniya nga tinuod, ang Tinuod:
 - a. Ang pamulong *Kaniya nga tinuod* nagpasabot sa Dios nga nasubjectibo kanato, ang Dios nga objectibo nga nahimong Tinuod sa atong kinabuhi ug kasinatian.

- b. Ang Tinuod mao ang diosnong realidad; ang makaila sa Tinuod nagpasabot og makaila sa diosnong realidad pinaagi sa pagsinati, pagpahimulos, ug pagpanag-iya ning realidara.
 - c. Nagpakita ang versiculo 20 nga ang diosnong realidad, nga mao ang Dios mismo, nahimo nang realidad sa atong kasinatian; ang Dios nga objectibo kanhi kanato nahimo nang subjectibong realidad nato—v. 6.
- H. Kay nakaila man ta sa Tinuod ug sa Espiritu sa kamatuoran (v. 20; 4:6) ug kay nabuhi man si Cristo, ang kamatuoran, sa sulod nato ug nagbuhat ang Tulo-usang Dios sa sulod nato aron himoon tang mga Dios-tawo—ang hulad ni Cristo, nga unang Dios-tawo—makapanghimatuod ta sa kamatuoran sama sa gibuhat sa Ginoo mismo sa pag-ingon Niya nga, “Gipanganak Ko alang niini, ug nianhi Ko sa kalibotan alang niini, aron manghimatuod Ko sa kamatuoran. Maminaw sa Akong tingog ang tanang iya sa kamatuoran” (Juan 18:37).